



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 67. Temesvaria a Cæsareis recuperata.

[urn:nbn:de:hbz:466:1-67649](#)

Sæc. XVIII.
A. C. 1716.

§. LXVII.

Temesvaria a Cæfareis recuperata.

Hanc victoriam & Turcarum consterna-
tionem in rem suam vertere inten-
tus Princeps Eugenius, die decima Au-
gusti cum valido peditum equitumque
agmine Alexandrum Ducem Wirten-
bergicum & Palsium Comitem Temes-
variam præmisit, dato negotio ut
hanc urbem, utpote Walachiae & Molda-
viæ clavem, atque ad mare usque ni-
grum tutissimum accessum, obsidione
cingerent: ipse vero cum toto exercitu
die vigesima quinta Augusti eo adve-
nerat. Acerrimæ oppugnationis præ-
ludium erat pertinax certamen, quo
Palsius Turcicos Equites, qui Tibisci
trajectum præpedituri magno numero
advolaverant, cæsos fugatosque repu-
lit. & Turci Gubernatoris voluptua-
riam domum; necnon Turcicum sanum
evertit. Die autem prima Septembris
Eugenius noctu apertis vallis castrren-
sibus urbem fortiter impugnari, at-
que in contiguum aggerem humo re-
pletum, & præacutis sudibus munitum
tanto impetu tormenta exonerari jussit;
ut totus ferme destructus, igneque
consumptus esset: Bassa vero, cuius
animus ferox nullam Cæsarei militis

Kettel.
Decad. VI.
pag. 782.
Turc. cont:
pag. 412.

BB 2

iii

Sæc. XVIII. infestandi occasionem præterlabi patet
A. C. 1716 batur, tam vehementi impetu die nona
Septembris erupit, ut laborantium ope-
ras penitus evertisset, nisi a Cæsareis tempestive accurrentibus non sine
clade in urbem repulsus fuisset. Die
vigesima secunda ejusdem Menis nunti-
atum Eugenio, quod totus Turcarum
exercitus laboranti. Urbi suppetas
veniret, & Vezirius duodecim recentis
militiæ Tartarorum millia Urbi im-
mittere tentaret: Verum Eugenius non
minore solertia cum lectissimo suo ex-
quitatu occurrens primos hostium im-
petus pro more gentis vehementissi-
mos generose exceptit, eosque non sine
multorum cæde repulit: inde vero Tur-
cæ efferatiores effecti, tertio impre-
sionem faciunt, sed toties propulsati, tam
densa pilarum tormentaria grandine
excepti; ut cæsis quatuor ferme Jani-
farorum millibus cæteri ægre fuga sa-
lutem quærere possent. Depulso hollie
Eugenius sæpe oppugnationem tenta-
bat, ubi vero post horrendam globo-
rum & flammæ tempestatem militiæ
devorandam parum profici viderat,
receptui cani jussit. Jam die trigesima
Septembris decreta erat nova impre-
sio, ergo die prima Octobris magno im-
petu in Palanckam irruunt, & post
atrox certamen supra aggerem evadere
certa.

certatim enituntur, ubi licet non pauci Sæc. XVIII.
in ipso conatu aut deficerent, aut pro- A.C. 1716.
laberentur vel exanimati, vel faucii,
non tamen animis deficiebant alii, nec
aggregiendi ardor refrigescebat, donec
cruento utrinque incursu loricam supe-
rarent, & Turcis inde ejectis atque in
urbem repulsis suburbium occuparent.
Tum Eugenius Urbem ipsam quinqua-
ginta duobus majoris formæ tormentis,
& triginta tribus mortariis per integros
undecim dies continua tamque noxia
explosione verberari jussit, ut die de-
cima tertia Octobris Bassa Urbis Gu-
bernator candido vexillo ad mænia
mane affixo, dditionis signum da-
ret, quo conspecto mox Eugenius
ab Alexandro Principe Wirtenbergico
admonitus, Gubernatori indulxit, ut
missis in urbem obsidibus, ipse quos-
dam Tribunos ad Cæsaris castra mit-
teret, quibuscum de sequentibus con-
ventum articulis. I. Omnes incolæ &
milites (exceptis transfugis Christia-
nis) libere cum suis bonis Urbe, cum
solitis militiæ honoribus excederent, re-
lictis tamen quibusdam obsidibus, ut
militum Turcas comitantium securitati
consultum esset. II. Relinquantur om-
nia tormenta, arma, omnisque belli-
cus apparatus. III. Mancipia & Chri-
stiani ultiro Mahometis superstitionem

Bb 3

am-

Sæc. XVIII. amplexi libere dimittantur, Graecis
A. C. 1716. vero Armenis &c. ibidem remanentibus
libertas concedatur. IV. Illis, quibus
urbe excedunt, sua bona vendere integrum sit. V. Hæc pacta nullo finito
obtentu violentur. His conditionibus
Temesvaria unacum sexcentis quinque
ginta oppidis post Turcicam centum &
sexaginta quatuor annorum servitatem
ad suave Christi jugum, & Cæsaris im-
perium reversa est. Excesserant ex hac
urbe præter laucios atque infirmos, Tu-
carum duodecim millia, proin ex octo-
decim millibus, quibus præsidium con-
stabat, tria milia fuere trucidata. Se-
tit autem hæc oppugnatio Cæfareis im-
pendio quatuor milium, quæ tam op-
portunitate loci, quam spolii copia &
continuato victoriæ successu; præter
immensum enim belli apparatum &
commeatum ac decem mortaria fuerint
relicta centum triginta sex tormenta
ex quibus centum ferme viginti Cæ-
rea insignia præferebant: plura in-
per oppida Christiani intercepere, &
quidem Comes Mercius Pansovam, &
Vipalanckam, Steinvillius Comes in
Moldavia Kasan, Bagdan & novem &
lias urbes: Petraschius vero Mialom,
Doboum arcem validam præter aliæ
oppida, ac denique Stephanus Detti-

nus Rascianorum Capitaneus Bucke-Sæc. XVIII.
restum, populosam Walachiæ Residen- A. C. 1716.
tiam & ipsum quoque Principem Nico-
laum Mauro - Cordatum unacum uxore
sua, totaque familia captivum Herma-
nopolin abduxit. Ne vero Imperator
Religionis oblitus videretur, Claudio-
poli in Transylvania Socinianæ hæresis
asseclis Ecclesiam claudi, & Catholicis
restitui jussit, ac ipse met cum Augusta
Conjuge sua ad Cellam Majorem peregri-
natum ivit, ibique Ciborium pretiosissi-
mum ornatum cum duabus coronis
aureis B. Virgini obtulit. Hac demum
victoria crudele Achmetis Sultani vo-
tum evanuit, quo obtenta contra Chri-
stianos victoria, omnia Christiana in
Turcico imperio mancipia uno die vi-
ctimas devoraverat, simulque eorum
dissipatus est timor, qui in malum omen
vertebant sanguineas lacrimas, quæ in
Imaginibus B. V. M. in Franciscanorum
Templo Schut, & in Ecclesia Morna-
ensi prope Hulst, & Viennæ in Tem-
plo S. Stephani eodem anno mirabili-
ter visæ dicebantur.

§. LXVIII.

Cæsar is indignatio contra Genuensium Rempublicam.

B b 4

Jam